



OSTERØY KOMMUNE

REGLEMENT FOR BEHANDLING OG AVGJERD AV SPØRSMÅL OM INHABILITET I POLITISKE ORGAN

1. Formål

Reglene om inhabilitet i forvaltningslova §§ 6 – 10 og kommunelova § 40 har som formål å sikre at det ikkje vert teke utanforliggende eller usaklege omsyn i saksførebuing og ved avgjerd i saker som er til behandling i politiske organ.

2. Bruksområdet for reglane om inhabilitet

Reglane om inhabilitet skal ivaretakast ved behandling av saker i heradsstyret, formannskapet og alle andre politisk valde utval og nemnder.

3. Plikt til å melde frå om mogeleg inhabilitet

Medlem av folkevald organ skal i god tid før møtet melde frå om forhold som gjer eller kan gjere vedkommende inhabil. Det same gjeld varamedlem som er innkalla til møte. Av dei tilsende sakspapira vil det gå fram kva saker som ligg føre til behandling. Saksutgreiinga vil til vanleg visa kven som er part i saka og kva saka handlar om. Spørsmål om inhabilitet skal rettast til rådmannen eller politisk-adm. sekretariat.

4. Behandling av spørsmål om inhabilitet

Når møteleiaren i møtet har gjort greie for kva sak som skal behandlast, skal det og gjerast greie for innkomne inhabilitetsspørsmål.

Ved behandling av spørsmålet om inhabilitet skal den som spørsmålet gjeld, gjevast høve til å uttale seg om spørsmålet. Deretter må vedkommende fråtre. I ope møte er det tilstrekkelig å ta plass bak i møterommet. I lukka møte må vedkommende forlate møtet.

Møtande varamedlem skal delta ved avgjerda om inhabilitet.
Organet sjølv avgjer spørsmålet om inhabilitet.

Er det opplagt at den som spør ikkje er inhabil, er det ikkje nødvendig å leggje spørsmålet fram for organet. Er det tvil om habilitet, eller er det sikkert at vedkommende må fråtre på grunn av inhabilitet, skal organet behandle og avgjere spørsmålet.

5. Behandling av spørsmål om inhabilitet til fleire representantar

Ved behandling av spørsmål om inhabilitet til fleire i same sak, må dei alle fråtre, jfr. pkt 4. Ingen av dei kan delta i behandlinga av spørsmål om inhabilitet for dei andre.

Blir det i samme sak spørsmål om inhabilitet for så mange medlemmer eller møtende varamedlemmer at organet ikkje vil vere vedtaksført, skal alle delta i behandlinga og avgjerda av spørsmåla om inhabilitet.

6. Sekretærfunksjonen

Rådmannenn/møtesekretæren skal sjå til at reglane om behandling og avgjerd av inhabilitetsspørsmål vert følgde. Ved behandling av spørsmål om habilitet i organet skal dette protokollerast. Ved fråtreiding på grunn av inhabilitet, skal inhabilitetsgrunn og lovheimel protokollerast.

7. Ikraftsetjing. Oppheving av vedtak.

Reglement trer i kraft fra vedtaksdato i heradsstyret.

Berre heradsstyret kan gjera endringar i reglementet.